

15. oktober 2013

UKA 2013/59
Karl Kristian Kruse

Meerartaarnermut atatillugu Nunatsinni tulluarsakkamik aningaasaateqarfiliornissamut periarfissanik misissuinissaq siunertaralugu Naalakkersuisut suliffeqarnermik suliaqartunut isumaqatigiinniarnissamik aallarnisaanissaannut peqquneqarnissaannik Inatsisartuni aalajangiiffigisassatut siunnersuut. Meerartaarnermut atatillugu aningaasaateqarfieuq akissarsiallit tamakkerlutik maanna ullormusiaqartitsinermiit pitsaanerusumik atugaqalernissaat qulakkiissavaa.

(Inatsisartunut ilaasortaq Naaja Nathanielsen, Inuit Ataqatigiit)

Siumup siunnersuut imaattumik oqaaseqarfingissavaa.

Siunnersuup tunngavimmigut paasinaraaluartoq Siumumit siunertaq ilalinngilarput.

Siumumiik nunat avannarliit siunnersuuteqartup sanilliussaai, angusaqariartorneranni soqu-tiginartutut oqaatigisaannarpalput nunat taakkua nunatsinnit sanilliullugit siuarsimanerusuummata misilittagaallu aamma ilinniarfiulluarsinnaallutik taamaattumik ingerlaavartumik paasisaqrfiginerunissaat pingaaruteqarpoq, SIUMUT taamatut isumaqarpoq.

Nunani avannarlerni anguneqarsimasunut nallersuukkiartornissamut aqqutissiuussissagutta suliniutit nunatsinnut naleqquutuunissaat aamma eqqaamajuartariaqarput. Suliffissuarnermi inissisimanerput kattuffiit ingerlaasiat nunarput inuppassuaqanngittooq, inuutissarsiornikkullu aamma ullumikkut killiffigisarput eqqarsaatigalugu suli annerusumik nukitorsarnissaat suliassatsinni pingaaruteqarnerat matumuuna SIUMUMIILK eqqaasitisissutigissavarput.

Una siunnersuut nunatsinni suliffeqarfinnut tamanut aningaassarpasvuarnik naleqartusaavoq.

Siunnersuuteqartullu siunnersuutimini suliffeqarfinnut aningaasartutissat annertussusisaanik eqqaasaqanngilaq, kigunerisinnaasaa ersarissoq tassaalluni sulisut akissarsiaannik ilanngartuinikkut aningaasaateqarfissaq immertinniarsarineqartoq, tamannalu Siumumiik sulisartut ullumikkut akissaataasa killiffliat ammut killissamineereermat ilalernartinngilarput. Siumumiillu ilisimavarput suliaq imatut ittoq 2010 ukiakkut inatsisartuni oqaluuserineqartoq taamanikkullu aamma ilalerneqanngittooq ilisimallutigu.

Siumup siunnersuut una ilalersunngikkaluarlugu Aningaasaqarnermut Akileraartarnermullu Ataatsimiititaliamut aappassaaneertigani nalilersugassanngortippaa.